

ა(ა)იპ “საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის” რექტორის

ბ რ ძ ა ნ ე ბ ა №

ასოცირებული პროფესორების აკადემიურ თანამდებობებზე ღია კონკურსის გამოცხადების თაობაზე

„უმაღლესი განათლების შესახებ“ საქართველოს კანონის 34-ე მუხლის, 35-ე მუხლის პირველი პუნქტის „ა“ ქვეპუნქტის, ა(ა)იპ „საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის“ მართვის დებულების მე-3 მუხლის პირველი პუნქტის „ი“ ქვეპუნქტის, ა(ა)იპ „საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის“ დამფუძნებლის სრულუფლებიანი წარმომადგენლის 2014 წლის 19 ივნისის №01-01/8 ბრძანებით დამტკიცებული „ა(ა)იპ „საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის“ აკადემიური თანამდებობების დასაკავებლად კონკურსის ჩატარების წესის“ მე-3 მუხლის და მე-9 მუხლის მე-2 პუნქტის, ბიზნესის, კომპიუტინგისა და სოციალურ მეცნიერებათა სკოლის დეკანის ლევან ქისტაურის, ჰუმანიტარულ მეცნიერებათა და სამართლის სკოლის დეკანის ლევან ჯიქიას მოხსენებითი ბარათების (N1/584, 12.02.2019; N1/610, 13.02.2019) საფუძველზე,

ვ ბ რ ძ ა ნ ე ბ ა:

- 1.გამოცხადდეს ღია კონკურსი ა(ა)იპ “საქართველოს საპატრიარქოს წმიდა ანდრია პირველწოდებულის სახელობის ქართულ უნივერსიტეტში” :
 - ა) ასოცირებული პროფესორის ერთ ვაკანტურ აკადემიურ თანამდებობაზე ბიზნესის ადმინისტრირების მიმართულებით. (აფილირების პირობით)
 - ბ) ასოცირებული პროფესორის ერთ ვაკანტურ აკადემიურ თანამდებობაზე საერთაშორისო ურთიერთობების მიმართულებით. (აფილირების პირობით)
2. ამ ბრძანების დანართი №1-ით განისაზღვროს ასოცირებული პროფესორების ვაკანტური აკადემიური თანამდებობების დასაკავებლად შესაბამისი საკანონმდებლო და საუნივერსიტეტო საკონკურსო მოთხოვნები და საკონკურსოდ წარმოსადგენი დოკუმენტაციის ჩამონათვალი.
3. კონკურსის ჩატარების თარიღი, წესი და პირობები განთავსდეს ა(ა)იპ “საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის” ოფიციალურ ელექტრონულ გვერდზე www.sangu.edu.ge არაუგვიანეს 2019 წლის 18 თებერვლისა და გამოქვეყნდეს დასაქმების ვებგვერდზე არაუგვიანეს 2019 წლის 20 თებერვლისა.
4. კონკურსში მონაწილეთა მიერ დოკუმენტაციის წარმოდგენის და მათი რეგისტრაციის ვადა განისაზღვროს 2019 წლის 21 მარტიდან 22 მარტის ჩათვლით, მისამართზე ქ. თბილისი, ილია ჭავჭავაძის გამზირი №53ა, საქმისწარმოებისა და ადამიანური რესურსების მართვის სამსახურში, პირველი კორპუსი (ოთახი N104), 11.00 საათიდან – 17.00 საათამდე.
5. კონკურსი ჩატარდეს (კონკურსანტთა შეფასება და გადაწყვეტილების მიღება) 2019 წლის 25 მარტიდან 1 აპრილის ჩათვლით.
6. კონკურსის შედეგები გამოქვეყნდეს არაუგვიანეს 2019 წლის 02 აპრილისა.
7. წინამდებარე ბრძანების მე-3 პუნქტის შესრულება დაევალოს საზოგადოებასთან და საერთაშორისო ურთიერთობების სამსახურს.

8. ბრძანება დაეგზავნოს უნივერსიტეტის ადმინისტრაციის ხელმძღვანელს - კანცლერს, ხარისხის უზრუნველყოფისა და სტრატეგიული განვითარების სამსახურს, საქმისწარმოებისა და ადამიანური რესურსების მართვის სამსახურს, ბიზნესის, კომპიუტინგისა და სოციალურ მეცნიერებათა სკოლას, ჰუმანიტარულ მეცნიერებათა და სამართლის სკოლას, ბუღალტერიას.

9. ბრძანება ძალაში შედის ხელმოწერის დღიდან.

უნივერსიტეტის რექტორი, პროფესორი

სერგო ვარდოსანიძე

ა(ა)იპ “საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის” რექტორის 2019 წლის _____ N_____ ბრძანების

დანართი N1

I. საკონკურსო ვაკანსიის მოთხოვნები:

**ასოცირებული პროფესორის აკადემიური თანამდებობის დასაკავებლად
ძირითადი (საკანონმდებლო) მოთხოვნები:**

- ა) აკადემიური/სამეცნიერო ხარისხი: დოქტორის ან მასთან გათანაბრებული სამეცნიერო ხარისხი;
- ბ) სამეცნიერო-პედაგოგიური მუშაობის გამოცდილება: ავტორიზებული ან მასთან გათანაბრებული სტატუსის მქონე უმაღლეს საგანმანათლებლო დაწესებულებაში არანაკლებ 3 წლის მუშაობის გამოცდილება;

დამატებითი (საუნივერსიტეტო) მოთხოვნები:

- ა) სილაბუსი/სილაბუსები, რომლებიც ფასდება მისი შინაარსის, სწავლის შედეგებისა და მათი მიღწევის მეთოდების ადეკვატურობით;
- ბ) სამეცნიერო ნაშრომები შესაბამისი მიმართულებით გამოქვეყნებული ბოლო 10 წლის განმავლობაში;
- გ) სამეცნიერო კონფერენციებსა და პროფესიული განვითარების ღონისძიებებში მონაწილეობა ბოლო 5 წლის განმავლობაში;
- დ) სამეცნიერო სტიპენდიები ან/და გრანტები, ან/და სხვა პროფესიული აქტივობები ბოლო 5 წლის განმავლობაში;

**ასოცირებული პროფესორისთვის განსაზღვრული დამატებითი (სპეციფიკური) მოთხოვნები
ბიზნესის ადმინისტრირების მიმართულებით:**

- ა) ბიზნესის ადმინისტრირების საბაკალავრო საგანმანათლებლო პროგრამით გათვალისწინებული მინიმუმ 4 სასწავლო კურსის გაძღოლის გამოცდილება;
- ბ) ბიზნესის ადმინისტრირების საბაკალავრო საგანმანათლებლო პროგრამით გათვალისწინებული მინიმუმ 4 სასწავლო კურსის მასალების შემუშავება/უზრუნველყოფის გამოცდილება;
- გ) პრაქტიკული გამოცდილება ბიზნესის ადმინისტრირებაში;
- დ) საერთაშორისო და ადგილობრივ სამეცნიერო რეფერირებად ჟურნალებში გამოქვეყნებული პუბლიკაციები;
- ე) საერთაშორისო კონფერენციებში მონაწილეობის გამოცდილება;
- ვ) ინგლისური და გერმანული ენების ცოდნა მინიმუმ B2 დონეზე;
- ზ) ინგლისურ და გერმანულ ენებზე ლექციების წაკითხვის შესაძლებლობა;
- თ) უცხოეთის უმაღლეს სასწავლებელში მიღებული განათლება ბიზნესის ადმინისტრირებაში.

**ასოცირებული პროფესორისთვის განსაზღვრული დამატებითი (სპეციფიკური) მოთხოვნები
საერთაშორისო ურთიერთობების მიმართულებით:**

- ა) ადგილობრივ და საერთაშორისო სამეცნიერო რეფერირებად ჟურნალებში გამოქვეყნებული პუბლიკაციები;
- ბ) კვლევები პოლიტიკურ კონფლიქტებზე, მათი ანალიზი;
- გ) სილაბუსები შემდეგ სასწავლო კურსებში: „პატარა ქვეყნები საერთაშორისო ურთიერთობებში“, „თანამედროვე საერთაშორისო ურთიერთობები და დიპლომატია“, „პოლიტიკური იდეოლოგიები“.
- დ) ინგლისური ენის ცოდნა მინიმუმ B2 დონეზე.
- ე) ლექციების წაკითხვის შესაძლებლობა ინგლისურ ენაზე.

II. საკონკურსოდ წარმოსადგენი დოკუმენტაცია:

- 1. კონკურსში მონაწილეობის მსურველი ვალდებულია საბუთების წარმოდგენის ეტაპზე კომისიას წარმოუდგინოს შემდეგი დოკუმენტაცია:
 - 1.1. შევსებული განცხადება საკონკურსო კომისიის სახელზე (ფორმა განთავსებულია sangu.edu.ge); ავტობიოგრაფია (CV) (ელექტრონული და ბეჭდვითი ფორმით);
 - 1.2. შევსებული კონკურსანტის ანკეტა ელექტრონულ ვერსიასთან (დისკი) ერთად (შესავსები ფორმა განთავსებულია sangu.edu.ge)
 - 1.3. პირადობის დამადასტურებელი მოწმობის ასლი;
 - 1.4. ერთი ფოტოსურათი, ზომით 3×4;
 - 1.5. ავტორიზებული ან მასთან გათანაბრებული სტატუსის მქონე უმაღლეს საგანმანათლებლო დაწესებულებაში სამეცნიერო-პედაგოგიური მუშაობის დამადასტურებელი დოკუმენტი;
 - 1.6. ინფორმაცია ბოლო 10 წლის განმავლობაში გამოქვეყნებული საკონკურსო თანამდებობის/ დარგისათვის ადეკვატური სამეცნიერო ნაშრომების შესახებ (ავტორის შეხედულებით), სამეცნიერო ნაშრომის დართვით, რომელიც ყველაზე უკეთ წარმოაჩენს მის სამეცნიერო საქმიანობას;
 - 1.7. კონკურსანტის მიერ შედგენილი დარგის შესაბამისი სასწავლო კურსის/კურსების სილაბუსი/სილაბუსები (ელექტრონული და ბეჭდვითი ფორმით); და სასწავლო მასალები;
 - 1.8. შესაბამისი აკადემიური (სამეცნიერო) ხარისხის დამადასტურებელი დოკუმენტის (დოკუმენტების) ასლები ნოტარიულად დამოწმებული;
 - 1.9. ბოლო ხუთი წლის განმავლობაში სამეცნიერო სტიპენდიების, ან/და გრანტების, ან/და სხვა პროფესიული აქტივობების დამადასტურებელი ინფორმაცია;
 - 1.10. ბოლო ხუთი წლის განმავლობაში სამეცნიერო კონფერენციებსა და პროფესიული განვითარების ღონისძიებებში მონაწილეობის დამადასტურებელი ინფორმაცია.
 - 1.11. ინგლისური და/ან გერმანული ენის (მოთხოვნის შესაბამისად) ცოდნის დამადასტურებელი სერთიფიკატი.
 - 1.12. დამატებითი(სპეციფიკური) მოთხოვნების შესაბამისი დამადასტურებელი დოკუმენტაცია.